



# Synfocity = 403

16<sup>th</sup> August, 2012

mail us at : [mzsynfo@gmail.com](mailto:mzsynfo@gmail.com); [mizoramsynod@gmail.com](mailto:mizoramsynod@gmail.com) - Phone - 2314648

## □ MKHC kum 30 tlin & lehkhabu tlangzarh

August 13 (Thawhtanni) khan Synod Conferenc e Centre-ah Mizoram Kohhran Hruaitute Committee (MKHC) chuan kum 30 hmel a hmuh denchhenin MKHC Chanchin lehkhabu a tlangzarh.

MKHC Lehkhabu tlangzarh inkhawm hi Rev. F. Sangvela, MKHC Vice Chairman-in a kaihrui a. Vice Chairman Col. Langaihawmin hunserh hmangin Secretary Rev. R. Lalrinsangan MKHC hruaitu lo ni tawh thinte, tuna hruaitu ni mekte leh Committee member hrang hrangte inhmelhriattirna neiin lehkhabu tlangzarh tur MKHC Chanchin (1982 - 2012) thlirlawkna hun a hmang a, MKHC Chairman, Synod Moderator ni bawk Rev. Thangzauvan MKHC Chanchin hi mipui chhiar theih turin a tlangzarh a ni.

Lehkhabu tlangzarh inkhawmah hian Rev. F. Sangvela kaihruiin lawmthusawi tawngtai rualna hun hman a ni a, Besy Zaipawl ten Pathian fakna hla an rem bawk. A duh apiang thusawina hun hawnah Rev. C. Vanlalhruiia (Ex Chairman), Rev. Thangpuiliana (MKHC Chairman hmasa ber) leh Rt. Rev. Bishop Steven Rotluanga ten thu tawi an sawi a. Chawhnu lamah thupui zirho a ni a, Rev. Dr. Vanlalchhuanawma, Principal Aizawl Theological College (ATC) & Chairman, Mizo Theological Association (MTA) thuziak "Mizoram Kohhran hrang hrangte inpumkhatna leh thawhona" tih chu zir ho a ni. Pu V.L. Belan lehkhabu tlangzarh inkhawm hi kharin lawmthusawina hun a hmang a ni.

Mizoram Kohhran Hruaitute Committee (MKHC) hi kum 1982-ah din tan a ni a. Kum 1966-a Mizo National Front (MNF)-in independence an sual avanga ram a lo buai khan Mizoram Kohhran ten remna palai hna thawkin mipui mangang thlabarte thlamuanna hna an thawk bawk thin a. MNF leh India sorkar inbiakna a lo tawp khan Kohhran hruaitute chuan India sorkar leh MNF te chu dawhkan pakhat kila inbiaktir leh a tha ber ang tih ngaihdan an nei a. Chumi bawhzui chuan August 13, 1982-ah Kohhran hrang hrang – Mizoram Presbyterian Church, Baptist Church of Mizoram, United Pentecostal Church, Salvation Army, Catholic Church, Seventhday Adventist, Isua Krista Kohhran (Aizawl), Assemblies of God leh Pawiram Baptist Kohhran aiawhte chuan Zoram Kohhran Hruaitute Committee (ZKHC) an din a. Kum 1998 atangin Zoram Kohhran Hruaitute Committee (ZKHC) chu Mizoram Kohhran Hruaitute Committee (MKHC) tia thlak a ni.

MKHC-ah hian Presbyterian Church Synod Moderator apiang Chairman atan hman chhoh zel a ni a, Chairman hmasa ber chu Rev. Thangpuiliana a ni a, tuna Chairman tang lai mek chu Rev. Thangzauva a ni a. MKHC-ah hian member Kohhran 14 an awm mek a ni. Vawiin lehkhabu tlangzarh inkhawmah hian Kohhran hrang hrang aiawh an kal tha hle a ni.

## □ Synod Mission Board

♦ August 17 - 28 chung hian Jharkhand, Patna, Lucknow, Delhi Mission Field Committee meeting neih a ni dawn a, Field Committee neihpui tur hian Rev. Lalchhuanmawia, SMB Secretary; Rev. Rualkhuma leh Rev. R.S. Rokima (BEC Members) te an kal ang. August 20 (Thawhtanni) ah Jharkhand Field Committee an thu ang a, August 22 (Nilaini) ah Patna Field Committee an thu leh ang a, August 24 (Zirtawpni) ah Lucknow Field Committee an thu leh ang a, August 27 (Thawhtanni) ah Delhi Field Committee an thu leh ang.

♦ August 10 - 12 chung khan Ramhlun Kohhran Biak Inah Home Mission North huam chungha Missionary-te pualin Retreat neih a ni a, thupuih 'Krista sipai rinawm' (II Tim 2:3) tih an hmang a, speaker atan Upa R. Lalmalsawma, Synod Mission Board Coordinator an hmang. Retreat neih chung hian Rev. Lalramliana Pachuau hovin Character Study : 'Paula, Missionary ropui' tih zirho a ni bawk.

Home Mission Field hi Mizoram Synod hnuaihan kum 1949 khan ramchung a ringlote hna rawngbawlna tura tan a ni a. Tun dinhmunah Home Mission North huam chungah hian Dampa, Chhawrpial, Hmarthlang, Khawthlang, Tlawng leh Serlui Presbytery te an awm a ni. January - July 2012 chung khan ringthar 162 an awm.

Home Mission North huam chungha rawngbawlna dinhmun tlangpui hetiang a ni :

♦ Hnathawktu zat	: 159	<b>Thawktu Dinmun</b>	
♦ Hnathawhna khaw zat	: 36	Full Time Evangelist	: 48
♦ Pastor Bial huam zat	: 15	Evangelist Teacher	: 95
♦ Presbytery huam zat	: 6	Evangelist + Evan. Teacher	: 143

### Kohhran Dinmun

♦ Kohhran neih zat (Bru-ho zingah)	: 45
♦ Kohhran neih zat (Chakma-ho zingah)	: 12
♦ Kristian (Bru)	: 13444 vel
♦ Kristian (Chakma)	: 1220 vel

Home Mission North hnuaihan Elementary School 2, Primary School 6 leh High School 1 a awm mek a, Nurse 5 in Dispensary te neiin rawng an bawl mek bawk.

## □ Assam buaina chungchanga Synod OM thuchhuak

Presbyterian Church of India (PCI) Executive Committee, August 8 & 9-a Shillong-a thukhawm chuan Assam rama Bodo ho leh Muslim ho inkara buaina chhuak chungchang a ngaihtuah a. Tun hnaia Assam buainaah hian mi tam takin nunna an chan bakah mi nuai 4 zette chuan in leh lo an chan a, Assam leh North Bengal-ah relief camp 300 vel siamin dah khawm an ni a. PCI Executive Committee chuan he thilthleng hi paw a tiin lungchhiatthlak a ti takzet a, PCI hnuaihan Unit tinte chu Assam rama chi leh chi inkara buaina chhuak hi a reh theihna tur leh a bik takin buaina chhuah hluarna leh a tuartu tamna hmun - Kokrajhar, Dhubri, Chirag leh a chhehvela chengte tana tawngtai turin ngenna a siam a. He ngenna bawhzui hian Mizoram Synod chuan Mizoram chungha Presbyterian Kohhran tinte an remchan dan anga tawngtaina hun lo hmang turin a ngen a ni.

## □ MSSU

August 17 - 19 chung hian Champhai Electric Veng Kohhran leh Khawzawl Venglai Bialah Sunday School Zirtutu Training neih a ni dawn a, training neihpui tur hian T. Upa Lalthahluna Ralte, MSSU Asst. Coordinator; Upa B. Lalthmunliana, Bethlehem Venglai leh Pu R. Lalthmingthanga, Republic Vengthlang (MSSU Trainers) te an kal. Training bakah hian Fanau enkawl chungchang thuchah sawiin hun an hmang bawk ang.

Contd...

- ❑ **Campus Ministry**
  - ♦ August 16 & 17 hian Govt. Mizo Higher Secondary School (Class XII) pualin Crusade neih mek a ni a, Crusade hi Rev. V.L. Krosschuanmawia, i/c Campus Ministry; Tv. K. Lalremruata, Chaltlang 'S'; Pu Joy Zairemmawia, Ramhlun Sport Complex leh Tv. James Lalrinmawia, Chaltlang te an kal.
  - ♦ Campus Ministry rawngbawlina hnuai ah August 16 & 17 hian Apollo School of Nursing-ah Crusade neih mek a ni a, crusade hi Dr. Robert S. Halliday, Social Front Coordinator; Pu Jacob Laldinsaka, Chaltlang 'S' leh Tv. C. Lalremruata, Chaltlang 'S' ten an neihpui a ni.
  - ♦ August 17 (Zirtawpni) hian Edenthar Middle School-ah Crusade neih a ni dawn a, Upa Bonny Lalrindika, Asst. Coordinator, Synfo-in crusade hi a neihpui ang.
- ❑ **Family Guidance & Counselling Centre**  
August 17 - 19 hian Phullenah Kristian Chhungkaw Seminar & Campaign neih a ni dawn a, hemi neihpui tur hian Rev. R. Lalhmingthanga, FG&CC Director a kal ang.
- ❑ **Zin**  
August 16 & 17 hian Zamuang, Kawrthah, Kawrtethawveng leh Mamit Presbyterian English School-te tlawh turin Rev. Mangchhuana, Supervisor, PES leh Pu P.C. Vanlalrova, Office Assistant te an kal.
- ❑ **Music**
  - ♦ August 14 - 17 chung hian Dawrpui Vengthar Bial KTP ten Synod Conference Centre-ah Conductors' Training an nei mek a, training hi Pu Lalromawia, Pu H. Lalrinmawia, Pu Benjamin Sailo leh Tv. H. Lalthazuala (Synod Music Instructors) ten an neihpui a ni.
  - ♦ August 18 (Inrinni) hian Baktawng Bial huapin Baktawng Kohhranah Zai Hruai Training neih a ni dawn a, training neihpui tur hian Pu Lalromawia, Music Instructor a kal ang.
- ❑ **Kristian Thalai Pawl**
  - ♦ August 19 (Pathianni) zan hian Ramhlun Vengthar Kohhranah Upa Lalrinmuana, CKTP General Secretary-in Pathian Thuchah a sawi ang a, Mizoram Synod Choir-ten zaia rawngbawlina an nei bawk ang.
  - ♦ August 20 (Thawhtanni) zan hian Mizoram Synod Choir ten Kulikawn Vengthlang Branch KTP-te an tlawh ang.
- ❑ **Kohhran Hmeichhia**  
August 16 - 21 chung hian CPWF hmanpui turin Arunachal Field-ah Central Kohhran Hmeichhe hruaitu Ni. Vanlalsawmi, Pi Malsawmtluangi leh Pi C. Lalrinliani (Committee Members) te an kal.
- ❑ **Hruaina Eng FM Radio & TV Programme**
  - ♦ **AUGUST 17 (FM Radio @ 7:30 p.m.) : Choir** : Mizoram Synod Choir - Hriatchian leh zual che ka duh, Bawngkawn Bial Zaipawl - Puan var sin, **Thuchah** : Rev. C. Lianhmingthanga - Pathian Lehkhabu tangkaina, **Solo** : Vanlalsailova - Damchhan, **Group Zai** : Crusaders - Keini zawng
  - ♦ **AUGUST 19 (TV Programme @ 3:00 p.m. : Choir** : Khatla Pastor Bial - A sawm reng che, **LiveJam Break Free Tour 2012 @ Vanapa Hall, Solo** : Belinda Lalpawmawii Sailo - Lawmin ka au ang
- ❑ **Susamachar Prasaran Programme**  
**August 19 (Pathianni) 5:00 pm. Hindi Gospel Programme (Susamachar Prasaran) : Group/Choir/Solo** : Dawrpui Vengthar Pastor Bial - Yeshu Masih, **Group/Choir/Solo** : Himali Kohhran Zaipawl - Isu Mash tere Jeisa Koi Nahi, **Sermon** : Rev B Zobiaktluanga - Jagat Ki Jyoti, **Group/Choir/Solo** : Champhai Bethel Pastor Bial - Jab Jab Dekho, **Group/Choir/Solo** : Zotlang - Sara Zaha
- ❑ **Moderator Programme**  
Synod Moderator Rev. Thangzauva Kohhran tlawh programme :
  - ♦ August 16 (Ningani) - Lawngtlai Kohhran
  - ♦ August 17 (Zirtawpni) - Tuipang Kohhran
  - ♦ August 18 & 19 (Inrinni & Pathianni) - Laki Kohhran

**SYNOD REVIVAL RAWNGBAWLNA**  
**(August - September, 2012)**

Sl. No.	Speaker-te Hming	Rawngbawlina hmun	Rawngbawl dan	Rawngbawl hun chung
1	Pu Kaphranga	Lunglei Luangmual	Camping	17 - 26 Aug., 2012
2	Lalhriatkima	Tumpui	Camping	17 Aug. - 2 Sep., 2012
3	Upa C. Sangkhuma	Hnahlan	Camping	17 Aug. - 10 Sep., 2012
4	Upa H. Zoliana	Kelkang	Crusade	18 - 26 Aug., 2012
5	R. Lallungmuana	Khawhai Venglai	Crusade	20 - 26 Aug., 2012
6	Upa R. Lalmachhuana	Khuangleng	Camping	18 Aug. - 2 Sep., 2012
7	Pu Lalsanglura Ralte	Sairang	Camping	18 Aug. - 2 Sep., 2012

**Music leh zai zir duhte tana hriattirna**

Synod School of Music-ah Indian Music leh Zai (Western Vocalisation) zir duhte tan seat a la awm a, dil duhte chuan August 24 (Zirtawpni) thleng dilna theh luh theih a ni. Hrechiang duhte chuan Synod Office Music Department-ah zawtfiahin Dilna Form pawh Office hun chungin lak theih a ni.

Sd/-  
**REV. LALZUITHANGA**  
Executive Secretary i/c Music